



7 da zercladur 2013

DV644_0513_Weisungen_maximale_Abschnittsgrössen.docx / nr. 644

DISPOSIZIUN DAL DEPARTAMENT

Tenor l'art. 21 al. 1 da l'ordinaziun tar la lescha da scola dals 25 da settember 2012 (ordinaziun da scola; DG 421.010) relascha il departament las directivas concernent l'adattaziun da las grondezzas da las partiziuns.

Sa basond sin l'art. 21 al. 1 da l'ordinaziun da scola

dispona il departament d'educaziun, cultura e protecziun da l'ambient:

1. Las directivas concernent l'adattaziun da las grondezzas maximalas da las partiziuns vegnan relaschadas. Suenter che questa decisiun è vegnida relaschada pon las directivas er vegnir chargiadas giu da la pagina d'internet da l'uffizi per la scola populara ed il sport.
2. Communicaziun ad: Autoritads e direcziuns da las scolas popularas dal chantun Grischun; associaziun dals cussegls da scola dal Grischun, dunna Gabriela Aschwanden, presidenta, Via Calanda 23, 7013 Domat; federaziun da las e dals mainascolas dal Grischun, singur Eugen Huber, president, Mülistrasse 12, 7076 Parpan; federaziun Magistraglia dal Grischun, signur Fabio Cantoni, president, Erikaweg 6, 7000 Cuir; controlla chantunala da finanzas; finanzas & controlling DECA; uffizi per la scola populara ed il sport; departament d'educaziun, cultura e protecziun da l'ambient.

DEPARTAMENT D'EDUCAZIUN,
CULTURA E PROTECZIUN
DA L'AMBIENT DAL GRISCHUN

Martin Jäger, cusseglier guvernativ



Directivas concernent l'adattaziun da las grondezzas maximalas da las partiziuns

Sa basond sin l'art. 21 al. 1 da l'ordinaziun tar la lescha davart las scolas popularas dal chantun Grischun dals 25 da settember 2012 (ordinaziun da scola)

relaschadas dal departament d'educaziun, cultura e protecziun da l'ambient ils 7 da zercladur 2013

Art. 1

Questas directivas concretiseschan l'execuziun da l'adattaziun da las grondezzas maximalas da las partiziuns.

Object

Art. 2

¹ Sche – en ina partiziun – pervia da la recepziun da scolaras e da scolars da lingua estra sco er da talas e da tals cun in basegn spezial da promoziun tenor l'artitgel 43 da la lescha da scola na po betg pli vegnir dada ina instrucziun conferma al plan d'instrucziun, propona la persuna d'instrucziun da classa a l'instituziun responsabla per la scola d'examinar la situaziun. L'inspecturat districtual vegn infurmà tras ina copia da la proposta.

Proposta ed examinaziun

² En l'examinaziun ston vegnir integradas la persuna d'instrucziun da classa sco er las ulteriuras personas d'instrucziun e spezializadas che èn competentas per questa partiziun.

³ L'inspecturat districtual po vegnir consultà da l'instituziun responsabla per la scola.

Art. 3

¹ L'instituziun responsabla per la scola examinescha en spezial, sche l'instrucziun conferma al plan d'instrucziun po vegnir garantida tras mesiras, sco l'instrucziun da mesas classas ubain l'augment da las resursas da la pedagogia speziala, ubain sch'il dumber da scolaras e da scolars maximalmain admissibel sto vegnir reduci adequatamain per ina tala partiziun.

Procedura

² L'instituziun responsabla per la scola infurmescha l'inspecturat districtual en scrit davart il resultat da l'examinaziun sco er davart la realisaziun d'eventualas mesiras.

³ Sche l'examinaziun da la situaziun maina a differents avis tranter l'instituziun responsabla per la scola e la persuna d'instrucziun da classa concernent las mesiras che ston vegnir prendidas resp. la reduziun dal dumber da scolaras e da scolars en la partiziun respectiva, fixescha l'inspecturat districtual quest dumber.

Art. 4

Questas directivas entran en vigur il 1. d'avust 2013.

Entrada en vigur